

**Zeitschrift:** Igl Ischi : organ della Romania (Societat de Students Romontschs)  
**Herausgeber:** Romania (Societat de Students Romontschs)  
**Band:** 25 (1936)

**Rubrik:** Rapport della 39avla radunonza populara d. Romania ils 22 de settember 1935 a Sedrun

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 15.03.2025

**ETH-Bibliothek Zürich, E-Periodica, <https://www.e-periodica.ch>**

mont, stud ret. I. de Vella, actuar. Nus havein pia puspei buna speronza de saver continuar cun nossa lavur egl ideal survetsch della cara, mumma romontscha e l'Academia vegn era egl avegnir ad ira per sia veglia via comprovada. Concludend nus exclamein:

Students romontschs a Sviz luvrei  
cun stenta, forz' e buna fei!  
Per vies schi bi lungatg matern  
adina ardi vies intern!

Curaglia, ils 7 d' uost 1936.

Il protectur: A. Giger, prof.

## Rapport della 39 avla radunonza populara d. Romania ils 22 de settember 1935 a Sedrun

La regenta crisa economica lubescha buca pli de far dus dis fiasta. Perquei han ins cun tutta raschun arranschau la radunonza generala sigl avonmiezdi della dumengia.

Igl actual president sgr. Erwin Durgiai salida ella Cruna in bi diemberet activs, sco era entgins passivs. Grazia al bien e beinme-nau presidium, san las tractandas vegnir liquidadas en cuort temps.

Approbaus il protocol della davosa fiasta de Razen, dat il speditiv president ina cuorta survista dil curriu e passau digl onn vargau. La Romania sto displascheivlamein registrar plirs mortoris de prominents amitgs e fauturs dil romontsch: Vice-president Luis Schuoler de Summitg, Pader Maurus il grond, secr. gov. Gion Disch e cuss. dils cantuns Giusep Huonder.

Tr a c t a n d a s : Il rapport de Tschespet ed Ischi dat sgr. prof. R. Vieli, essend il redac-tur dil Tschespet, Sur Can. Cahannes absents.

Nies carezau redactur digl Ischi seretraì sco redactur. Ad el che ha duront plirs onns redègiu nies organ cun gronda premura, atenziun e sacrificontadad, senza bonificaziun, grond engraziament! En siu stagl vegn sgr. mistral Giuseppe Demont de Sevgein elegius unanima-  
me in.

Las tablas commemorativas de nos dus pioniers e campiuns romontschs: Dr. G. Michel Nay e prof. Placi Condrau san vegnir eregidas.

Tiel rendaquen ston ins constatar ch' il deivet della Romania ei carschius uonn per 1000 frs. Il recav digl Ischi ha dau in bene de 146 frs. Mo la contribuziun dil fondo Cadonau, ch' il nunstunclenteivel president actual ha puspei pudiu francar per dus onns, sa gidar nus ord ils deivets. Ils inserats digl Ischi dueian vegnir augmentai e la remuneraziun digl acquisitur dei vegnir fixada definitivamein.

Sgr. prof. Vieli vegn elegius ella commissiun redaccionala de Tschespet ed Ischi.

Als redactors de Tschespet ed Ischi vegn fixau pigl avegnir ina contribuziun annuala de 250.— frs. l' in per spesas ed honoraris.

Liug festiv per igl onn 1936 vegn previu Savognin.

La nova suprastanza per 35/36 secompone sco suonda: President: Erwin Durgiai, stud. jur. Cuera. Vicepres.: Victor Huonder, stud. med., Mustér; Actuar: Balzer Coray, stud. ped., Ruschein; Cassier: Ludv. Huonder, scol. Mustér. Revisurs de quen: Dr. Aug. Cahannes, Cuera, Victor Sialm, Segnas.

Suenter miezdi ha liug la radunonza populara el curtgin dil Hotel dell' Alpsu. Il pres. della Romania sgr. E. Durgiai salida e benevanta cun buna viarva romontscha l' entira

tschentada. Felici Monn, pres. beneventa tuts presents en num della vischnaunca de Tujetsch.

Rev. Sur Can. Brugger dat agl auditori cun siu edificont plaid festiv: N i e s P a d e r M a u r u s in bien maletg dil car defunct (Gas. Rom. Nr. 39). Era sgr. mistral regent Dr. Giusep Condrau seregorda silsuenter en cuorts mo enflammons plaids dil pionier della Romania.

La sera suenter tscheina ella sala dell' Alpsu delectescha sgr. mistral Demont la radunonza cun in secund bi plaid festiv: P a d e r M a u r u s e s e s m e r e t s per il moviment dil romontsch. (Gas. Rom. Nr. 40, 42).

El decuors della sera han ins aunc giu l'honor d'udir ulteriurs amitgs ed oratur romontschs sco prof. Vieli, Dr. P. Tuor, cuss. d. cantuns Dr. Willi, mistral Berther, Sur prof. Aug. Giger, pres. G. F. Monn, Ant. Huonder, B. Cadalbert, stud. C. Maron e Stiafen Berther.

Il nunstunclenteivel promotur e fautur romontsch, prof. P. Tuor propona ina resoluziun, che vegn acceptada unanimamein da tuts ils presents. Ella duei francar la fideivladad a nossa cara viarva materna. (Gas. Rom. Nr. 40 e protocol.)

Summa summarum la 39 avla fiasta e radunonza della Romania ha priu in emperneivel, gie fetg cuntenteivel decuors. Possi quei spért ed anim per nossa faviala romontscha strenscher pli e pli ils ligioms tier in statteivel:

Romontschs vi esser e restar!

Igl actuar:

Balzer Coray, stud. ped.